

ПОСЛѢДОВАНИЕ ЧАСОВ, ПЕВАЕМЫХ В НАВЕЧЕРИИ РОЖДЕСТВА ХРИСТОВА.

ЧАС ПЕРВЫЙ

Поскольку навечерие Рождества Христова в текущем году приходится на воскресенье, совершение Царских часов с Рождественского сочельника переносится на пятницу (см. Типикон, 24 декабря, 1-е «зри»; 25 декабря, 2-е «зри»).

Царские часы совершаются при открытых царских вратах. Священник в епитрахили, фелони и, по традиции, в поручах, с Евангелием в руках (в предшествовании священосца и диакона в облачении, с кадилом и свечой) выходит из алтаря через царские врата к поставленному посреди церкви напротив царских врат аналою. Обойдя вокруг аналоя, священосец ставит свечу с его восточной стороны. Иерей, положив Евангелие на аналой, произносит начальный возглас 1-го часа:

Иерей: Благословен Бог наш, всегда, ныне и присно и во веки веков.

Чтец: Аминь. Слава Тебе, Боже наш, слава Тебе.

Царю Небесный, Утешителю, Душе истины, Иже везде сый и вся исполняй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша.

Трисвятое. Пресвятая Троице... Отче наш...

Иерей: Яко Твое есть Царство и сила и слава Отца и Сына и Святаго Духа, ныне и присно и во веки веков.

Чтец: Аминь. Господи, помилуй (12 раз)

Приидите, поклонимся Цареву нашему Богу.

Приидите, поклонимся и припадём Христу, Цареву нашему Богу.

Приидите, поклонимся и припадём Самому Христу, Цареву и Богу нашему.

С началом чтения псалмов иерей, в предшествовании диакона со свечой, совершает каждение: 1) вокруг аналоя с Евангелием, 2) затем кадит алтарь, 3) иконостас, 4) весь храм и народ, 5) Иконы у царских врат, 6) возвращаются к аналою с Евангелием. Иерей с диаконом остаются стоять у аналоя с Евангелием.

ПСАЛОМ 5:

Чтец: Глаголы моя внуши, Господи, разумей звание мое. Вонми гласу моления моего, Царю мой и Боже мой, яко к Тебе помолюся, Господи. Заутра услыши глас мой: Заутра предстану Ти, и узриши мя. Яко Бог, не хотяй беззакония, Ты еси, не приселится к Тебе лукавнуяй, ниже пребудут беззаконницы пред очима Твоима. Возненавидел еси вся, делающия беззаконие. Погубиши вся, глаголющия лжу, мужа кровей и лстыва гнушается Господь. Аз же множеством милости Твоея вниду в дом Твой, поклонюся ко храму святому Твоему в страхе Твоем. Господи, настави мя правдою Твоею, враг моих ради исправи пред Тобою путь мой. Яко несть во устех их истины, сердце их суетно, гроб отверст гортань их, языки своими льстят. Суди им, Боже, да отпадут от мыслей своих, по множеству нечестия их изрини я, яко прегорчиша Тя, Господи. И да возвеселятся вси, уповающи на Тя, во век возрадуются, и вселишия в них. И похвалятся о Тебе любящии Имя Твое. Яко Ты благословиши праведника, Господи, яко оружием благоволения венчал еси нас.

Псалом 44:

Отрѣгну сердце мое слово благо, глаголю аз дела моя Царевы, язык мой – трость книжника скорописца. Красен добротою паче сыновъ человеческих, излился благодать во устнахъ Твоихъ, сего ради благослови Тя Бог во век. Препояши меч Твой по бедрѣ Твоей, Сильне. Красотою Твоею и добротою Твоею и наляцѣ, и успевай, и царствуй истины ради, и кротости, и правды, и наставит Тя дивно десница Твоя. Стрѣлы Твоя изощрены, Сильне, людие под Тобою падут в сердца врагъ царевыхъ. Престолъ Твой, Боже, в векъ века: жезлъ правости, жезлъ Царствия Твоего. Возлюбилъ еси правду и возненавиделъ еси беззаконие: сего ради помози Ты, Боже, Бог Твой елеемъ радости паче причастникъ Твоихъ. Смирна, и стакти, и кассія от ризъ Твоихъ, от тяжестей слоновыхъ, из нихже возвеселиша Тя. Дщери царей в чести Твоей. Предста Царица одесную Тебѣ, в ризахъ позлащенныхъ одѣяна, преиспещрена. Слыши, Дщи, и виждь, и приклони ухо Твое, и забуди люди Твоя и домъ отца Твоего, и возжелаетъ Царь доброты Твоея: зане Той есть Господь Твой, и поклонишася Ему. И дщи Тирова с дары, лицу Твоему помолѣтся богати людстии. Вся слава Дщере Царевы внутри, рясны златыми одѣяна и преиспещрена. Приведутся Царю дѣвы в следъ Ея. Искренняя Ея приведутся Тебѣ, приведутся в веселии и радовании, введутся в храмъ Царевъ. Вместо отецъ Твоихъ быша сынове Твой, поставиши я князи по всей землѣ. Помяну Имя Твое во всякомъ родѣ и родѣ. Сего ради людие исповѣдятся Тебѣ в векъ и во векъ века.

Псалом 45:

Богъ намъ прибежище и сила, Помощникъ в скорбехъ, обрѣтшихъ ны зело. Сего ради не убоимся, ввсегда смущается земля и прелгаются горы в сердца морская. Возшумѣша и смятошася воды ихъ, смятошася горы крепостию Его. Речная устремления веселятъ градъ Божий: освятилъ есть селение Свое Вышний. Богъ посреде его, и не подвижится, поможетъ ему Богъ утро заутра. Смятошася языцы, уклонишася царствия, даде гласъ Свой Вышний, подвижется земля. Господь силъ с нами, Заступникъ нашъ Богъ Иаковль. Приидите и видите дела Божия, яже положи чудеса на землѣ. Отъемля брани до конецъ землѣ, лукъ сокрушитъ, и сломитъ оружие, и щиты сожжетъ огнемъ. Упразднитесь и разумѣйте, яко Азъ есмь Богъ: вознесуся во языцехъ, вознесуся на землѣ. Господь силъ с нами, Заступникъ нашъ Богъ Иаковль.

Слава Отцу и Сыну и Святому Духу и ныне и присно и во веки вековъ. Аминь.

Аллилуия, аллилуия, аллилуия, слава Тебе, Боже. (Трижды)

Господи, помилуй. (Трижды)

Слава Отцу и Сыну и Святому Духу.

ТРОПАРЬ ПРЕДПРАЗДНСТВА:

Написовашеся иногда со старцем Иосифом, яко от семени Давидова, в Вифлееме Мариам, чревоносящи безсеменное Рождение. Наста же время Рождества, и место ни единоеже бе обиталищу, но, якоже красная палата, вертеп Царице показашеся. Христос раждается прежде падший воскресити образ.

И ныне и присно и во веки веков. Аминь.

Что Ты наречем, о Благодатная? Небо, яко возсияла еси Солнце Правды. Рай, яко прозябла еси цвет нетления. Деву, яко пребыла еси нетленна. Чистую Матерь, яко имела еси на святых Твоих объятиях Сына, всех Бога. Того моли спастися душам нашим.

ТРОПАРЬ, ГЛАС 8:

Хор: Вифлееме, уготовися, / благоукраситесь, ясли, / вертепе, прими: Истина прииде. / Сень мимотечё, и Бог человеком от Девы явися, / вообразився якоже мы и обожив плоть. / Тем Адам обновляется, со Евою зовуще: // на земли благоволение явися спасти род наш. *(Дважды)*

Чтец: **Бог от юга приидет и Святы́й из Горы приосенённая чащи.**

ТРОПАРЬ, ГЛАС 3:

Хор: Ныне пророческое прорицание исполнится грядёт, / тайно глаголющее: / и ты, Вифлееме, земле Иудова, / никакоже наречешися менши во владыках, / предуготовляющи вертеп: / из тебе бо ми изыдет Игумен языков во плоти, / от Девы Отроковицы Христос Бог, / Иже упасёт люди Своя новаго Израиля; // дадим Ему вси величие.

Чтец: **Господи, услышах слух Твой и убоихся; Господи, разумех дела Твоя и ужасохся.**

ТРОПАРЬ, ГЛАС 3:

Хор: Ныне пророческое прорицание исполнится грядёт, / тайно глаголющее: / и ты, Вифлееме, земле Иудова, / никакоже наречешися менши во владыках, / предуготовляющи вертеп: / из тебе бо ми изыдет Игумен языков во плоти, / от Девы Отроковицы Христос Бог, / Иже упасёт люди Своя новаго Израиля; // дадим Ему вси величие.

Чтец: **Слава Отцу и Сыну и Святому Духу.**

ТРОПАРЬ, ГЛАС 8:

Сия глаголет Иосиф к Деве: / Марие, что дело сие, еже в Тебе зрю? / Недоумёю, и удивляюся, и умом ужасаюся; / отай убо от мене буди вскоре. / Марие, что дело сие, еже в Тебе вижу? / За честь – срамоту, за веселие – скорбь, / вместо еже хвалитися, укоризну ми принесла еси. / Ктому не терплю уже поношений человеческих, / ибо от иерей из Церкви Господни яко непорочную Ты приях, // и что видимое?

Чтец: **И ныне и присно и во веки веков. Аминь.**

ТРОПАРЬ, ГЛАС 8:

Сия глаголет Иосиф к Деве:/ Маріе, что дело сие, еже в Тебе зрю?/ Недоумёю, и удивляюся, и умом ужасаюся;/ отай убо от мене буди вскоре./ Маріе, что дело сие, еже в Тебе вижу?/ За честь – срамоту, за веселие – скорбь,/ вместо еже хвалится, укоризну ми принесла еси./ Ктому не терплю уже поношений человеческих, / ибо от иерей из Церкви Господни яко непорочную Тя приях, // и что видимое?

Диакон: Вонмем.

Чтец: **Прокимен, глас четвертый:** Господь рече ко Мне: Сын Мой еси Ты, Аз днесь роди́х Тя.

Хор: Господь рече ко Мне: Сын Мой еси Ты, Аз днесь роди́х Тя.

Чтец: Проси от Мене, и дам Ти языки достояние Твое, и одержание Твое концы земли.

Хор: Господь рече ко Мне: Сын Мой еси Ты, Аз днесь роди́х Тя.

Чтец: Господь рече ко Мне: Сын Мой еси Ты

Хор: Аз днесь роди́х Тя.

Диакон: Премудрость.

Чтец: Пророчества Михеина чтение.

Диакон: Вонмем.

Чтец: Тако глаголет Господь: и ты, Вифлееме, доме Евфрафов, еда мал еси еже быти в тысящах Иудовыхъ? Из тебе бо Мне изыдет Старейшина, еже быти в князя во Израили, и исходи Его из начала от дней века. Сего ради даст я, до времени раждающия родит, и прочие от братьий Его обратятся к сыном Израилевым. И станет, и узрит, и упасет стадо Свое крепостию Господь. И в славе имени Господа Бога Своего пребудут, зане ныне возвеличится даже до конец земли.

Диакон: Премудрость.

Чтец: Ко Евреем послания святого апостола Павла чтение.

Диакон: Вонмем.

Чтец: Многочастье и многообразне древле Бог, глаголавый отцем во пророцех. В последок дний сих глагола нам в Сыне, Егоже положи наследника всем, Имже и веки сотвори. Иже Сый сияние славы и образ Ипостаси Его, нося же всяческая глаголом силы Своея, Собою очищение сотворив грехов наших, седе одесную Престола величества на высоких. Толико лучший быв Ангел, елико преславнее паче их наследствова имя. Кому бо рече когда от Ангел:

Сын Мой еси Ты, Аз днесь роди́х Тя; и па́ки: Аз бу́ду Ему́ во Отца́, и Той бу́дет Мне в Сы́на. Егда́ же па́ки вво́дит Первороднаго во вселенную, глаго́лет: и да поклóнятся Ему́ вси А́нгели Бо́жии. И ко А́нгелом у́бо глаго́лет: твора́й А́нгелы Сво́я ду́хи и слуги́ Сво́я огонь паля́щ. К Сы́ну же: престóл Твой, Бо́же, в век ве́ка, жезл пра́вости, жезл Ца́рствия Твоего́. Возлюби́л еси́ пра́вду и возненави́дел еси́ беззако́ние, сегó ра́ди пома́за Тя, Бо́же, Бог Твой елеем ра́дости па́че прича́стник Твои́х. И па́ки: в нача́ле Ты, Го́споди, зе́млю основа́л еси́, и дела́ руку́ Твоею́ суть небеса́. Та́ поги́бнут, Ты же пребыва́еши, и вся, я́коже ри́за, обетша́ют, и, я́ко оде́жду, сви́еши их, и изменя́тся; Ты же то́йжде еси́, и ле́та Тво́я не оскуде́ют.

Иерей: Мир ти.

Чтец: И ду́хови твоему́.

Диакон: Прему́дрость, прóсти, услы́шим Свята́го Ева́нгелия.

Иерей: Мир всем.

Хор: И ду́хови твоему́.

Иерей: От Матфе́я Свята́го Ева́нгелия чтéние.

Хор: Сла́ва, Тебе́, Го́споди, сла́ва Тебе́.

Диакон: Вóннем.

Иерей: Иисус Христово Рождество́ си́це бе: обрученней у́бо б́ввши Ма́тери Его́ Мари́и Ио́сифови, пре́жде да́же не сн́итися и́ма, обрeте́ся иму́щи во чре́ве от Ду́ха Свя́та. Ио́сиф же, муж Ея́, пра́веден сый и, не хотя́ Ея́ облич́ити, восхотé тай пу́стити Ю. Сия́ же ему́ помы́слившу, се А́нгел Господень во сне я́вился ему́, глаго́ля: Ио́сифе, сы́не Дави́дов, не убо́йся при́яти Мари́ам, жены́ твоея́: ро́ждшее бо ся в Ней от Ду́ха есть Свя́та. Родит же Сы́на, и нарече́ши и́мя Ему́ Иисус. Той бо спасе́т лю́ди Сво́я от грех их. Си́е же все бысть, да сб́удется рече́нное от Го́спода проро́ком, глаго́лющим: Се Де́ва во чре́ве при́имет и роди́т Сы́на, и нареку́т и́мя Ему́ Емману́ил, е́же есть сказа́емо, с на́ми Бог. Воста́в же Ио́сиф от сна, сотвори́, я́коже повеле́ ему́ А́нгел Господень, и при́ят Жену́ свою́. И не зная́ше Ея́, до́ндеже роди́ Сы́на Своего́ пeрвенца, и нарече́ и́мя Ему́ Иисус.

Хор: Сла́ва, Тебе́, Го́споди, сла́ва Тебе́.

Чтец: Стопы́ моя́ напра́ви по словеси́ Твоему́ и да не облада́ет мно́ю всякое беззако́ние. Изба́ви мя от клеветы́ челове́ческаия, и сохрани́ю за́поведи Тво́я. Лице́ Твое́ просвети́ на раба́ Твоего́ и на́учи мя оправда́нием Твои́м.

Да испо́лнятся уста́ моя́ хвалéния Твоего́, Го́споди, я́ко да воспою́ сла́ву Твою́, весь день великолéпии Тво́е.

Трисвято́е. Пресвята́я Трoи́це... **О́тче** наш...

Иерей: Я́ко Твое́ есть Ца́рство и си́ла и сла́ва Отца́ и Сы́на и Свята́го Ду́ха, ны́не и при́сно и во ве́ки веко́в.

Чтец: Аминь.

КОНДАК ПРЕДПРАЗДНСТВА.

Дева днесь Превечное Слово в вертепе грядет родити неизреченно: ликуй, вселенная, услышавши, прослави со Ангелы и пастырьми хотящаго явитися Отроча Младо, Превечнаго Бога.

Господи, помилуй. (40 раз)

Иже на всякое время и на всякий час, на Небеси и на земли, покланяемый и славимый, Христэ Боже, Долготерпеливе, Многомилостиве, Многоблагодутробне, Иже праведныя любяй и грешныя милуяй, Иже вся зовый ко спасению обещания ради будущих благ. Сам, Господи, приими и наша в час сей молитвы и исправи живот наш к заповедем Твоим, души наша освяти, телеса очисти, помышления исправи, мысли очисти и избави нас от всякия скорби, зол и болезней, оградь нас святыми Твоими Ангелы, да ополчением их соблюдаемы и наставляемы, достигнем в соединение веры и в разум неприступныя Твоея славы, яко благословен еси во веки веков, аминь.

Господи, помилуй. (Трижды)

Слава Отцу, и Сыну, и Святому Духу и ныне, и присно, и во веки веков, аминь.

Честнейшую Херувим и славнейшую без сравнения Серафим, без истления Бога Слова рождшую, сущую Богородицу, Тя величаем.

Именем Господним благослови, отче.

Иерей: **Боже, ущедри ны и благослови ны, просвети лице Твое на ны и помилуй ны.**

Чтец: **Аминь.**

Иерей: **Христэ, Свете истинный, просвещающий и освящающий всякаго человека, грядущаго в мир, да знаменается на нас свет Лица Твоего, да в нем узрим Свет неприступный, и исправи стопы наша к деланию заповедей Твоих молитвами Пречистыя Твоея Матере и всех Твоих святых, аминь¹.**

ЧАС ТРЕТИЙ.

Чтец: **Приидите, поклонимся Цареву нашему Богу.**

Приидите, поклонимся и припадём Христу, Цареву нашему Богу.

Приидите, поклонимся и припадём Самому Христу, Цареву и Богу нашему.

Во время чтения псалмов 3-го часа диакон (если нет, то иерей) совершает малое каждение храма: кадит 1) вокруг аналоя с Евангелием, 2) иконостас, 3) предстоятеля, 4) народ, 5) Иконы у царских врат, 6) возвращается к аналою с Евангелием. Иерей с диаконом остаются стоять у аналоя с Евангелием.

Псалом 66:

Чтец: **Боже, ущедри ны, и благослови ны, и просвети лице Твое на ны, и помилуй ны: познати на земли путь Твой, во всех языцех спасение Твое. Да ис-**

¹ В традиции Русской Церкви молитва 1-го часа произносится иереем, а молитвы прочих часов – чтецом.

поведятся Тебѣ людіе, Бѣже, да исповѣдятся Тебѣ людіе вси. Да возвеселятсѣ и да возрадуютсѣ язѣицы, ꙗко сѣдиши людем правотою и язѣики на земли настаѣиши. Да исповѣдятся Тебѣ людіе, Бѣже, да исповѣдятся Тебѣ людіе вси. Земля даде плод свой. Благослови ны, Бѣже, Бѣже наш. Благослови ны, Бѣже, и да убоятсѣ Его вси концы земли.

Псалом 86:

Основания Его на горах святых, любит Господь врата Сиона паче всех селений Иаковлих. Преславная глаголашася о тебѣ, граде Божий. Помяну Раав и Вавилона вѣдущим Мя; и се иноплемѣнницы, и Тир, и людіе Ефиопстии, сии быша тамо. Мати Сион речѣт: Человек и Человек родися в нем, и Той основа и Вышний. Господь повесть в писании людѣй и князей сих, бывших в нем. Яко веселящихся всех жилище в Тебѣ.

Псалом 50:

Помилуй мя, Бѣже, по велицей милости Твоей и по множеству щедрот Твоих, очисти беззаконие мое. Наипаче омой мя от беззакония моего и от греха моего очисти мя. Яко беззаконие мое аз знаю и грех мой предо мною есть вина. Тебѣ единому согрѣших и лукавое пред Тобою сотворих. Яко да оправдишися во словесах Твоих и победиши внегда судити Ти. Се бо в беззаконіих зачат есмь, и во гресѣх роди мя мати моя. Се бо истину возлюбил еси, безвѣстная и тайная премудрости Твоея явил ми еси. Окропиши мя иссопом, и очыщуся; омыеши мя, и паче снѣга убелюся. Слуху моему даси радость и веселие, возрадуютсѣ кости смиренныя. Отврати лице Твое от грех моих и вся беззакония моя очисти. Сердце чисто созижди во мне, Бѣже, и Дух прав обнови во утробе моей. Не отвержи мене от лица Твоего и Духа Твоего Святаго не отыми от мене. Воздаждь ми радость спасения Твоего и Духом Владычним утверди мя. Научу беззаконныя путем Твоим, и нечестивии к Тебѣ обратятся. Избави мя от кровей, Бѣже, Бѣже спасения моего, возрадуется язык мой правде Твоей. Господи, устне мои отверзеши, и уста моя возвестят хвалу Твою. Яко аще бы восхотѣл еси жертвы, дал бых убо: всесожжения не благоволиши. Жертва Богу – дух сокрушен, сердце сокрушенно и смиренно Бог не унижит. Ублажи, Господи, благоволением Твоим Сиона, и да созиждутсѣ стѣны Иерусалимския. Тогда благоволиши жертву правды, возношение и всесожегаемая, тогда возложат на олтарь Твой тельцы.

Слава Отцу и Сыну и Святому Духу и ныне и присно и во веки веков. Аминь.

Аллилуия, аллилуия, аллилуия, слава Тебѣ, Бѣже. (Трижды)

Господи помилуй. (Трижды)

Слава Отцу и Сыну и Святому Духу.

ТРОПАРЬ ПРЕДПРАЗДНСТВА:

Написовашеся иногда со старцем Иосифом, яко от семени Давидова, в Вифлееме Мариам, чревоносящи безсеменное Рождение. Наста же время Рождества, и место ни единоеже бе обиталищу, но, якоже красная палата, вертеп Царице показашеся. Христос раждается прежде падший воскресити образ.

И ныне и присно и во веки веков. Аминь.

Богородице, Ты еси лоза истинная, возрастившая нам Плод живота, Тебе молимся: молись, Владычице, со святыми апостолами помилovati души наша.

ТРОПАРЬ, ГЛАС 6:

Хор: Сей Бог наш, не вменится ин к Немю, / родивыйся от Девы, и с человеки поживе; / во яслех убогих / Сын Единородный лежащъ видится человек / и пеленами повивается, иже славы Господь. / И волхвом звезда возвещает в Его поклонение. // И мы поим: Троице Святая, спаси души наша. *(Дважды)*

Чтец: Бог от юга придет и Святой из Горы приосененныя чащи.

ТРОПАРЬ, ГЛАС 8:

Хор: Прежде Рождества Твоего, / трепетно зряще таинство Твое, Господи, / разумная воинства дивляхуся: / якоже бо Младенец родится благоизволил еси, / небо украсивый звездами, / и во яслех безсловесных возлежиши, / дланию содержи всея земли концы. / Таковым бо смотрением уведено бысть милосердие Твое, Христе, // велия милость Твоя, слава Тебе.

Чтец: Господи, услышах слух Твой и убояхся; Господи, разумех дела Твоя и ужасохся.

ТРОПАРЬ, ГЛАС 8:

Хор: Прежде Рождества Твоего, / трепетно зряще таинство Твое, Господи, / разумная воинства дивляхуся: / якоже бо Младенец родится благоизволил еси, / небо украсивый звездами, / и во яслех безсловесных возлежиши, / дланию содержи всея земли концы. / Таковым бо смотрением уведено бысть милосердие Твое, Христе, // велия милость Твоя, слава Тебе.

Чтец: Слава Отцу и Сыну и Святому Духу.

ТРОПАРЬ, ГЛАС 3:

Хор: Иосифе, рцы нам: / како, Юже от святых приял еси, / Деву непраздну приводиши в Вифлеем? / Аз, рече, пророки испытых / и, вестъ прием от Ангела, уверихся, / яко Бога родит Марья несказанно; / Емуже на поклонение волсви от востоков придут, / с дары честными служаще. // Воплотивыйся нас ради, Господи, слава Тебе.

Чтец: **И ныне и присно и во веки веков. Аминь.**

ТРОПАРЬ, ГЛАС 3:

Хор: **Иосифе, рцы нам:/ како, Юже от святых приял еси,/ Деву непраздну приводиши в Вифлеем?/ Аз, рече, пророки испытах/ и, весть прием от Ангела, уверихся,/ яко Бога родит Марья несказанно;/ Емуже на поклонение волсви от востоков приидут,/ с дары честными служаще.// Воплотивыйся нас ради, Господи, слава Тебе.**

Диакон: **Вонмем.**

Чтец: **Прокимен, глас четвертый: Отроча родися нам, Сын, и дадеса нам.**

Хор: **Отроча родися нам, Сын, и дадеса нам.**

Чтец: **Егоже начальство бысть на раме Его.**

Хор: **Отроча родися нам, Сын, и дадеса нам.**

Чтец: **Отроча родися нам,**

Хор: **Сын, и дадеса нам.**

Диакон: **Премудрость.**

Чтец: **Пророчества Варухова чтение.**

Диакон: **Вонмем.**

Чтец: **Сей Бог наш, и не приложится ин к Немю. Изобрете всяк путь художества, и даде и Иакову, отроку Своему, и Израилю, возлюбленному от Него. Посем же на земли явися и с человеки поживе. Сия книга повелений Божиих, и закон сый во веки; вси, держащиися ея, в живот внидут, оставивши же ю, умрут. Обратися, Иакове, и имися ея. Поиди к сиянию прямо света ея. Не даждь иному славы твоея и полезных тебе языку чуждему. Блажени есмы, Израилю, яко угонная Богу нам разумна суть.**

Диакон: **Премудрость.**

Чтец: **К Галатом послания святого апостола Павла чтение.**

Диакон: **Вонмем.**

Чтец: **Братие, прежде, пришествия веры, под законом стрегоми бехом, затворени в хотящую веру открытися. Темже закон пестун нам бысть во Христа, да от веры оправдимся. Пришедшей же вере, уже не под пестуном есмы. Вси бо вы сынове Божии есте верою о Христе Иисусе: елицы бо во Христа крестистесь, во Христа облекостесь. Несть иудей, ни еллин, несть раб, ни свободь, несть мужеский пол, ни женский: вси бо вы едины есте о Христе Иисусе. Аще ли вы Христовы: убо Авраамле семя есте и по обетованию наследницы.**

Иерей: **Мир ти.**

Чтец: И дѹхови твоємѹ.

Диакон: Премѹдрость, прѹсти, услышим Святѹго Евѹнгелия.

Иерей: Мир всем.

Хор: И дѹхови твоємѹ.

Иерей: От Лукѹи Святѹго Евѹнгелия чтѣние.

Хор: Слава, Тебѣ, Господи, слава Тебѣ.

Диакон: Вѹннем.

Иерей: Во днех ѡнѣх изыде повелѣние от кѣсаря Аѹгуста написати всю вселѣнную. Сие написаніе первое бысть, владычу Сиріею Киринію. И идяху вси написатися, кождо во свой град. Взыде же и Иѹсиф от Галилеи из града Назарѣта во Иудею, во град Давидов, иже нарицается Вифлеѣм, зане быти емѹ от дому и отѣчества Давидова, написатися с Маріею, обрученною емѹ Женѹю, сѹщею непраздною. Бысть же, егда быша тамо, исполнися дніе родити Ей. И роди Сына Своего первенца, и повит Егѹ, и положи Егѹ в яслех, зане не бе им мѣста во обители. И пастырие бѣху в тойже странѣ, бдяще, и стрегуще стражу ношнѹю о стаде своем. И се Ангел Господень ста в них, и слава Господня осия их, и убояшася страхом велиим. И рече им Ангел: не бойтесь, се бо благовѣствѹю вам радость велию, яже будет всем людем, яко родися вам днесь Спас, иже есть Христѹс Господь, во граде Давидове. И се вам знамение: обрящете Младенца повита, лежаща в яслех. И внезапно бысть со Ангелом множество вой Небесных, хвѣлящих Бога и глаголющих: слава в Вышних Богу, и на земли мир, в человецех благоволение. И бысть, яко отыдоша от них на Небо Ангели, и человецы пастырие рѣша друг ко другу: прейдем до Вифлеѣма и видим глагол сей бывший, егѹже Господь сказа нам. И приидоша, поспѣшшася, и обретоша Мариам же и Иѹсифа и Младенца, лежаща во яслех. Видевше же, сказаша о глаголе, глаголанном им о Отрочати Сем. И вси слышавши дивншася о глаголанных от пастырей к ним. Мариам же соблюдаше вся глаголы сия, слагаючи в сердце своем. И возвратишася пастырие, славяще и хвѣляще Бога о всех яже слышаша и видѣша, якоже глаголахо бысть к ним.

Хор: Слава, Тебѣ, Господи, слава Тебѣ.

Чтец: Господь Бог благословен, благословен Господь день дне, поспешит нам Бог спасений наших, Бог наш, Бог спасати.

Трисвятѹе. Пресвятѹя Троице... Отче наш...

Иерей: Яко Твое есть Царство и сила и слава Отца и Сына и Святѹго Дѹха, ныне и присно и во веки веков.

Чтец: Аминь.

КОНДАК ПРЕДПРАЗДНСТВА:

Дѣва днесь Превѣчное Слово в вертепе грядет родити неизреченно: ликуй, вселенная, услышавши, прослави со Ангелы и пастырьми хотящаго явитися Отроча Младо, Превѣчнаго Бога.

Господи, помилуй. (40 раз)

Иже на всякое время и на всякий час, на Небеси и на земли, покланяемый и славимый, Христэ Бóже, Долготерпеливе, Многомилостиве, Многоблагодутрбне, Иже праведныя любяй и грешныя милуяй, Иже вся зовый ко спасению обещания ради будущих благ. Сам, Господи, прими и наша в час сей молитвы и исправи живот наш к заповедем Твоим, души наша освяти, телеса очисти, помышления исправи, мысли очисти и избави нас от всякия скорби, зол и болезней, оградй нас святыми Твоими Ангелы, да ополчением их соблюдаеми и наставляеми, достигнем в соединение веры и в разум неприступныя Твоея славы, яко благословен еси во веки веков, аминь.

Господи, помилуй. *(Трижды)*

Слава Отцу, и Сыну, и Святому Духу и ныне, и присно, и во веки веков, аминь.

Честнейшую Херувим и славнейшую без сравнения Серафим, без истления Бога Слова рождшую, сущую Богородицу, Тя величаем.

Именем Господним благослови, отче.

Иерей: Молитвами святых отец наших, Господи, Иисусе Христе, Боже наш, помилуй нас.

Чтец: Аминь.

Владыко Бóже, Отче Вседержителю, Господи, Сыне Единородный, Иисусе Христэ, и Святей Духе, единое Божество, единая сила, помилуй мя, грешнаго, и, имиже веси судьбами, спаси мя недостойнаго раба Твоего, яко благословен еси во веки веков, аминь.

ЧАС ШЕСТОЙ.

Чтец: Приидите, поклонимся Цареву нашему Богу.

Приидите, поклонимся и припадём Христу, Цареву нашему Богу.

Приидите, поклонимся и припадём Самому Христу, Цареву и Богу нашему.

Во время чтения псалмов 6-го часа диакон (если нет, то иерей) совершает малое каждение храма: кадит 1) вокруг аналоя с Евангелием, 2) иконостас, 3) предстоятеля, 4) народ, 5) Иконы у царских врат, 6) возвращается к аналою с Евангелием. Иерей с диаконом остаются стоять у аналоя с Евангелием.

Псалом 71:

Чтец: **Б**óже, суд Твой цареву даждь и правду Твою сыну цареву: судити людем Твоим в правде и нищим Твоим в суде. Да восприимут горы мир людем и холми правду. Судит нищим людским, и спасет сыны убогих, и смирит клеветника. И пребудет с солнцем и прежде луны рода родов. Сидет, яко дождь на рунó, и, яко капля, каплющая на землю. Возсияет во днех Его правда и множество мира, дондеже отыметса луна. И обладает от моря до моря и от рек до конец вселенныя. Пред Ним припадут ефиопляне, и врази Его персть полижут. Царие

Фарсійстии и острови дары принесут. Царие Аравстии и Савá дары приведут. И поклонятся Ему вси царие земстии, вси языцы поработают Ему. Яко избави нища от сильна и убóга, Емуже не бе помощника. Поощадит нища и убóга и души убóгих спасет. От лихвы и от неправды избавит души их, и честно Имя Его пред ними. И жив будет, и дастся Ему от злата аравійска, и помолются о Нем вьну: весь день благословят Его. Будет утверждение на земли на версех гор, превознесется паче ливана плод Его. И процветут от града, яко трава земная. Будет Имя Его благословенно во веки, прежде солнца пребывает имя Его, и благословятся в Нем вся колена земная, вси языцы убожат Его. Благословен Господь, Бог Израилев, творяй чудеса един. И благословено имя славы Его во век и в век века; и исполнится славы Его вся земля: буди, буди.

Псалом 131:

Помяни, Господи, Давида и всю кротость его. Яко клятса Господеви, обещася Богу Иаковлю: аще вниду в селение дому моего или взыду на одр постели моея, аще дам сон очима моима, и веждама моима дреманье, и покой скранияма моима, дондеже обрящу место Господеви, селение Богу Иаковлю. Се слышахом я во Евфрате, обретохом я в полях дубравы. Внидем в селения Его, поклонимся на место, идеже стоясте ноге Его. Воскресни, Господи, в покой Твой, Ты и кивот святыни Твоея. Священники Твой облечутся правдою, и преподобнии Твой возрадуются. Давида ради раба Твоего не отврати лице помазаннаго Твоего. Клятса Господь Давиду истиною и не отвержется ея: от плода чрева твоего посажду на престоле твоём. Аще сохранят сынове твой завет Мой и свидения Моя сия, имже научу я, и сынове их до века сядут на престоле твоём. Яко избра Господь Сиона, изволи и в жилище Себе. Сей покой Мой во век века, где вселюся, яко изволих и. Ловитву его благословляяй благословлю, нищия его насыщу хлебы. Священники его облечу во спасение, и преподобнии его радостию возрадуются. Тамо возвращу рог Давидови, уготовах светильник помазанному Моему. Враги его облечу студом, на немже процветет святыня Моя.

Псалом 90:

Живый в помощи Вышняго, в крове Бога Небеснаго водворится. Речет Господеви: заступник мой еси и прибежище мое, Бог мой, и уповаю на Него. Яко Той избавит тя от сети ловчи и от словесе мятежна. Плещма Своима осенит тя, и под криле Его надеешься, оружием объдет тя истина Его. Не убойшия от страха ночнаго, от стрелы, летящая во дни, от вещи, во тме переходящая, от сряща и беса полуденнаго. Падет от страны твоея тысяща и тма одесную тебе, к тебе же не приближится. Обаче очима твоима смотриши и воздаяние

грешников узриши. Яко Ты, Господи, упование мое, Вышняго положил еси прибежище Твое. Не придет к тебе зло, и рана не приблизится телеси твоему. Яко Ангелом Своим заповесть о тебе сохранить ты во всех путех твоих. На руках возьмут тя, да не когда преткнеша о камень ногу твою. На аспида и василиска наступиши и попереши льва и змия. Яко на Мя упова, и избавлю и; покрью и, яко позна имя Мое. Воззовет ко Мне, и услышу его; с ним есмь в скорби, изму его и прославлю его. Долготою дней исполню его и явлю ему спасение Мое.

Слава Отцу и Сыну и Святому Духу и ныне и присно и во веки веков. Аминь.

Аллилуйя, аллилуйя, аллилуйя, слава Тебе, Боже. (Трижды)

Господи помилуй. (Трижды)

Слава Отцу и Сыну и Святому Духу.

ТРОПАРЬ ПРЕДПРАЗДНСТВА:

Написовашеся иногда со старцем Иосифом, яко от семени Давидова, в Вифлееме Мариам, чревоносящи безсеменное Рождение. Наста же время Рождества, и место ни единоеже бе обиталищу, но, якоже красная палата, вертеп Царице показашеся. Христос раждается прежде падший воскресити образ.

И ныне и присно и во веки веков. Аминь.

Яко не имама дерзновения за премногия грехи наша, Ты иже от Тебе Родшагося моли, Богородице Дево, много бо может моление Матернее ко благосердию Владыки. Не презри грешных мольбы, Всечистая, яко милостив есть и спасти могый, Иже и страдати о нас изволивый.

ТРОПАРЬ, ГЛАС 1:

Хор: Приидите, вернии, возведемся Божественно/ и видим схождение Божественное свыше,/ в Вифлееме к нам явленно,/ и, умом очистившися, житие принесем добродетели,/ вместо мира предуготовляюще верно рождественныя входы,/ от душевных сокровищ зовуще:/ в Вышних слава Богу,/ сущему в Троице,/ Егоже ради в человецех благоволение явися,// Адама избавляя первородныя клятвы, яко человеколюбец. **(Дважды)**

Чтец: **Бог от юга придет/ и Святыи из Горы приосененныя чащи.**

ТРОПАРЬ, ГЛАС 4:

Слыши, Небо, и внуши, земле,/ да подвижатся основания,/ да примут трепет преисподняя:/ яко Бог же и Творец в плотское одеяся здание,/ и Иже державною рукою создавый тварь,/ утробы зрится здание./ О, глубина богатства, и премудрости, и разума Божия/ Яко неиспытаны судьбы Его// и неизследованы пути Его.

Чтец: **Господи, услышах слух Твой и убояхся,/ Господи, разумех дела Твоя и ужасохся.**

ТРОПАРЬ, ГЛАС 4:

Слыши, Небо, и внуши, земле,/ да подвижатся основания,/ да приимут трепет преисподняя:/ яко Бог же и Творец в плотское одеяся здание,/ и Иже державною рукою создавый тварь,/ утробы зрится здание./ О, глубина богатства, и премудрости, и разума Божия/ Яко неиспытаны судьбы Его// и неизследованы пути Его.

Чтец: **Слава Отцу и Сыну и Святому Духу.**

ТРОПАРЬ, ГЛАС 5:

Приидите, христонские люди, да видим чудо,/ всякий разум ужасающее и обдерживающее,/ и, благочестно воспевающе, вернии, поклонимся./ Днесь к Вифлеему непраздна сущи Дева приходит родити Господа,/ лица же ангельстии предтекут./ И, сия виде, вопияше Иосиф обручник:/ что еже в Тебе странное таинство, Дево?// И како хочещи родити, Неискусобрачная Юнице?

И ныне и присно и во веки веков. Аминь.

ТРОПАРЬ, ГЛАС 5:

Приидите, христонские люди, да видим чудо,/ всякий разум ужасающее и обдерживающее,/ и, благочестно воспевающе, вернии, поклонимся./ Днесь к Вифлеему непраздна сущи Дева приходит родити Господа,/ лица же ангельстии предтекут./ И, сия виде, вопияше Иосиф обручник:/ что еже в Тебе странное таинство, Дево?// И како хочещи родити, Неискусобрачная Юнице?

Диакон: **Вонмем.**

Чтец: **Прокимен, глас четвертый: Из чрева прежде денницы родих Тя, клятс я Господь и не раскается.**

Хор: **Из чрева прежде денницы родих Тя, клятс я Господь и не раскается.**

Чтец: **Рече Господь Господеву моему: седи одесную Мене.**

Хор: **Из чрева прежде денницы родих Тя, клятс я Господь и не раскается.**

Чтец: **Из чрева прежде денницы родих Тя,**

Хор: **Клятс я Господь и не раскается.**

Диакон: **Премудрость.**

Чтец: **Пророчества Исаиина чтение.**

Диакон: **Вонмем.**

Чтец: **Приложи Господь глаголати ко Ахазу, глаголя: проси себе знамения у Господа Бога твоего во глубину или в высоту. И рече Ахаз: не имам просити, ниже искусити Господа. И рече Исаия: услышите убо, доме Давидов:**

едá мал вам труд даяти челове́ком, и ка́ко Го́споду труд дае́те? Сего́ ра́ди даст Госпо́дь Сам вам зна́мение: се Де́ва во чре́ве при́мет и роди́т Сы́на, и нареку́т и́мя Его́ Емману́ил; ма́сло и мед и́мать снести, пре́жде не́же уве́дети Ему́ или́ изво́лити лука́вое, изберёт благо́е: Зане́ пре́жде, не́же разумéти Отрочáти благо́е или́ зло́е, отрине́т лука́вая, изберёт благо́е. И рече́ Госпо́дь ко мне: приими́ себе́ сви́ток нов, вели́к и напиши́ в нем пи́салом челове́ческим, е́же ско́ро пленéние сотвори́ коры́стей, настоя́т бо. И свидéтели мне сотвори́ ве́рны челове́ки, Ури́ю иере́я, и Заха́рию, сы́на Варахи́ина. И присту́пих ко проро́чице, и во чре́ве при́ят и роди́ сы́на. И рече́ мне Госпо́дь: нарцы́ и́мя ему́, ско́ро плени́ и напрáсно испрове́рзи. Зане́ пре́жде, не́же разумéти отрочáти назва́ти отца́ или́ ма́терь, при́мет си́лу дама́скову и коры́сти самарийския́ пря́мо царю́ ассирийскому́. С на́ми Бог, разумéйте, язы́цы, и покаря́йтесь. Услы́шите да́же до по́слéдних землй́, могу́щии, покаря́йтесь, а́ще бо па́ки возмо́жете и па́ки побе́ждени бу́дете. И и́же а́ще сове́т совеща́ете, разори́т Госпо́дь, и Сло́во, е́же а́ще возглаго́лете, не пребу́дет в вас, я́ко с на́ми Бог.

Диáкон: Премудрость.

Чтец: Ко Евре́ем послáния свята́го апóстола Пáвла чтéние.

Диáкон: Вонмем.

Чтец: В нача́ле Ты, Го́споди, зéмлю основáл еси́, и дела́ руку́ Твоею́ суть Небеса́. Та погýбнут, Ты же пребывáеши, и вся, я́коже рíза, обетша́ют, и, я́ко оде́жду, свиéши их, и изменя́тся, Ты же то́йжде еси́, и ле́та Твоя́ не оскуде́ют. Кому́ же от А́нгел рече́ когда́: седи́ одесну́ю Мене́, до́ндеже положу́ враги́ Твоя́ подно́жие ног Твои́х. Не вси ли суть служе́бнии дýси, в служéние посыла́еми за хотя́щих насле́довати спасéние? Сего́ ра́ди подобáет нам ли́шше внимáти слы́шанным, да не когда́ отпа́днем. А́ще бо глаго́ланное А́нгелы́ сло́во бысть изве́стно и вся́ко преступле́ние и ослуша́ние, пра́ведное при́ят мздовозда́ние. Ка́ко мы убежим, о толи́цем неради́вше спасéнии, е́же зачáло приéмше, глаго́латися от Го́спода слы́шавшими в нас извести́ся?

Иерей: Мир ти.

Чтец: И дýхови твоему́.

Диáкон: Премудрость, прóсти, услы́шим Свята́го Ева́нгелия.

Иерей: Мир всем.

Хор: И дýхови твоему́.

Иерей: От Матфе́я Свята́го Ева́нгелия чтéние.

Хор: Сла́ва, Тебе́, Го́споди, сла́ва Тебе́.

Диакон: Воннем.

Иерей: Иисусу рождшуся в Вифлеэме Иудейстем во дни Йрода царя, се волсви от восток приидоша во Иерусалим, глаголюще: где есть рождейся Царь Иудейский? Видехом бо звезду Его на востоце и приидохом поклонитися Ему. Слышав же, Йрод царь смутися, и весь Иерусалим с ним. И собрав вся первосвященники и книжники людския, вопрошаше от них: где Христос раждается? Они же рекоша ему: в Вифлеэме Иудейстем; тако бо писано есть пророком: и ты, Вифлеэме, земле Иудова, ничимже меньше еси во владыках Иудовых, из тебе бо изыдет Вождь, иже упасет люди Моя Израиля. Тогда Йрод тай призвал волхвы и испытоваше от них время явльшиися звезды. И, послав их в Вифлеэм, рече: шедше, испытайте известно о Отрочати; егда же обрящете, возвестите ми, яко да и аз, шед, поклонюся Ему. Они же, послушавше царя, идоша. И се звезда, юже видеша на востоце, идяше пред ними, дондеже, пришедше, ста верху, идеже бе Отроча. Видевше же звезду, возрадовашася радостию великою зело. И, пришедше в храмину, видеша Отроча с Мариею, Материю Его, и, падше, поклонившася Ему, и, отверзше сокровища своя, принесоша Ему дары, злато, и ливан, и смирну. И, весть приемше во сне, не возвратитися ко Йроду, иным путем отыдоша во страну свою.

Хор: Слава, Тебе, Господи, слава Тебе.

Чтец: Скоро да предварят ны щедроты Твоя, Господи, яко обнищавом зело; помози нам, Боже, Спасе наш, славы ради Имене Твоего, Господи, избави нас и очисти грехи наша, Имене ради Твоего.

Трисвятбје. Пресвятая Троице... Отче наш...

Иерей: Яко Твое есть Царство и сила и слава Отца и Сына и Святаго Духа, ныне и присно и во веки веков.

Чтец: Аминь.

КОНДАК ПРЕДПРАЗДНСТВА:

Дева днесь Превечное Слово в вертепе грядет родити неизреченно: ликуй, вселенная, услышавши, прослави со Ангелы и пастырьми хотящаго явитися Отроча Младо, Превечнаго Бога.

Господи, помилуй. (40 раз)

Иже на всякое время и на всякий час, на Небеси и на земли, покланяемый и славимый, Христэ Боже, Долготерпеливе, Многомилостиве, Многоблагоутробне, Иже праведныя любяй и грешныя милуяй, Иже вся зовый ко спасению обещания ради будущих благ. Сам, Господи, прими и наша в час сей молитвы и исправи живот наш к заповедем Твоим, души наша освяти, телеса очисти, помышления исправи, мысли очисти и избави нас от всякия скорби, зол и болезней, оградй нас святыми Твоими Ангелы, да ополчением их соблюдаеми и наставляеми, достигнем в соединение веры и в разум неприступныя Твоея славы, яко благословен еси во веки веков, аминь.

Господи, помилуй. (Трижды)

Слава Отцу, и Сыну, и Святому Духу и ныне, и присно, и во веки веков, аминь.

Честнейшую Херувим и славнейшую без сравнения Серафим, без истления Бога Слова рождшую, сущую Богородицу, Тя величаем.

Именем Господним благослови, отче.

Иерей: Молитвами святых отец наших, Господи, Иисусе Христе, Боже наш, помилуй нас.

Чтец: Аминь.

Боже и Господи сил и всея твари Содетелю, Иже за милосердие безприкладныя милости Твоея Единороднаго Сына Твоего, Господа нашего Иисуса Христа, низпославый на спасение рода нашего, и честным Его Крестом рукописание грех наших растерзавый, и победивый тем начала и власти тьмы. Сам, Владыко Человеколюбче, прими и нас, грешных, благодарственныя сия и молебныя молитвы и избави нас от всякаго всегубительнаго и мрачнаго прегрешения и всех озлобити нас ищущих видимых и невидимых враг. Пригвозди страху Твоему плоти наша и не уклони сердце наших в словеса или помышления лукавствия, но любовью Твоею уязви души наша, да, к Тебе всегда взирающе и еже от Тебе светом наставляеми, Тебе, неприступнаго и присносущнаго зряще Света, непрестанное Тебе исповедание и благодарение возсылаем, Безначальному Отцу со Единородным Твоим Сыном и Всесвятым, и Благим, и Животворящим Твоим Духом ныне, и присно, и во веки веков, аминь.

ЧАС ДЕВЯТЫЙ.

Приидите, поклонимся Цареву нашему Богу.

Приидите, поклонимся и припадём Христу, Цареву нашему Богу.

Приидите, поклонимся и припадём Самому Христу, Цареву и Богу нашему.

С началом чтения псалмов диакон (если нет, то иерей), совершает полное каждение: 1) вокруг аналоя с Евангелием, 2) затем кадит алтарь, 3) иконостас, 4) весь храм и народ, 5) Иконы у царских врат, 6) возвращается к аналою с Евангелием. Иерей с диаконом остаются стоять у аналоя с Евангелием.

Псалом 109:

Рече Господь Господеви моему: седи одесную Мене, дондеже положу враги Твоя подножие ног Твоих. Жезл силы пошлет Ти Господь от Сиона, и господствуй посреде врагов Твоих. С Тобою начало в день силы Твоея, во светлостех святых Твоих. Из чрева прежде Денницы роди Тебя. Клятвася Господь и не раскается, Ты Иерей во век, по чину Мелхиседекову. Господь одесную Тебе сокрушил есть в день гнева Своего цари. Судит во языцех, исполнит падения, сокрушит главы на земли многих. От потока на пути пиет, сего ради вознесет главу.

Псалом 110:

Исповемся Тебе, Господи, всем сердцем моим в совете правых и сонме. Велия дела Господня, избискана во всех волях Его. Исповедание и великолепие дело Его, и правда

Его пребывает в век века. Память сотворил есть чудес Своих, милостив и щедр Господь: пищу даде боящимся Его, помянет в век завет Свой. Крепость дел Своих возвести людем Своим, дати им достойные язык. Дела рук Его, истина и суд: верны вся заповеди Его, утвержены в век века, сотворены во истине и правоте. Избавление послал людем Своим, заповеда в век завет Свой, свято и страшно Имя Его. Начало премудрости – страх Господень, разум же благ всем творящим и. Хвала Его пребывает в век века.

Псалом 85:

Приклони, Господи, ухо Твое и услыши мя, яко нищ и убог есмь аз. Сохрани душу мою, яко преподобен есмь; спаси раба Твоего, Боже мой, уповающего на Тя. Помилуй мя, Господи, яко к Тебе воззову весь день. Возвесели душу раба Твоего, яко к Тебе взял душу мою. Яко Ты, Господи, благ, и кроток, и многомилостив всем, призывающим Тя. Внуши, Господи, молитву мою и вонми гласу моления моего. В день скорби моея возвах к Тебе, яко услышал мя еси. Несть подобен Тебе в бозех, Господи, и несть по делом Твоим. Все языцы, елики сотворил еси, придут, и поклонятся пред Тобю, Господи, и прославят Имя Твое, яко велий еси Ты и творяй чудеса, Ты еси Бог един. Настави мя, Господи, на путь Твой, и пойду во истине Твоей: да возвеселится сердце мое бояться Имене Твоего. Исповемся Тебе, Господи Боже мой, всем сердцем моим и прославлю Имя Твое в век. Яко милость Твоя велия на мне, и избавил еси душу мою от ада преисподнейшаго. Боже, законопреступницы восташа на мя, и сонм державных взыскаша душу мою и не предложаша Тебе пред собою. И Ты, Господи Боже мой, щедрый и милостивый, долготерпеливый, и многомилостивый, и истинный, призри на мя и помилуй мя, даждь державу Твою отроку Твоему и спаси сына рабы Твоея. Сотвори со мною знамение во благо, и да видят ненавидящие мя и постыдятся, яко Ты, Господи, помог ми и утешил мя еси.

Сотвори со мною знамение во благо, и да видят ненавидящие мя и постыдятся, яко Ты, Господи, помог ми и утешил мя еси.

Слава Отцу и Сыну и Святому Духу и ныне и присно и во веки веков. Аминь.

Аллилуия, аллилуия, аллилуия, слава Тебе, Боже. (Трижды)

Господи помилуй. (Трижды)

Слава Отцу и Сыну и Святому Духу.

Написовашеся иногда со старцем Иосифом, яко от семени Давидова, в Вифлееме Мариам, чревоносящи безсеменное Рождение. Наста же время Рождества, и место ни единоеже бе обиталищу, но, якоже красная палата, вертеп Царице показашеся. Христос раждается прежде падший воскресити образ.

И ныне и присно и во веки веков. Аминь.

ТРОПАРЬ ПРЕДПРАЗДНСТВА:

Иже нас ради рождейся от Девы и распятие претерпев, Благий, испровергий смертию смерть и воскресение явлей яко Бог, не презри, яже создал еси рукою Твоею. Яви человеколюбие Твое, Милостиве. Приими рождшую Тя Богородицу, молящуюся за ны. И спаси, Спасе наш, люди отчаянные.

ТРОПАРЬ, ГЛАС 7:

Хор: Удивляешься Ирод, / зря волхвов благочестие, / и, гневом побеждаемь, / лета испыташе разстояния; / матери безчадствуемы бываху, / и безвременный возраст младенцев горце пожинашеся, / сосцы ссыхавхуся, / и источицы млечнии удержавхуся, / велие быше лютое. / Темже благочестно, вернии, сошедшися, // поклонимся Христову Рождеству. *(Дважды)*

Чтец: **Бог от юга придет и Святыи из Горы приосененныя чащи.**

ТРОПАРЬ, ГЛАС 2:

Хор: Егда Иосиф, Дево, печалию уязвляшися, / к Вифлеему идя, вопияла еси к нему: / что Мя зря непраздну дряхлуеши и смущаешися, / не ведый всяко еже во Мне страшнаго таинства? / Прочее отложи страх всяк, преславное познавая: / Бог бо низходит на землю милости ради, / во чреве Моём ныне аще и плоть прият. / Егоже, раждаема, узриши, якоже благоизволи, / и, радости исполнився, поклонишися яко Зиждителю твоему, / Егоже Ангели поют непрестанно // и славословят со Отцем и Духом Святым.

Чтец: **Господи, услышах слух Твой и убоихся; Господи, разумех дела Твоя и ужасохся.**

ТРОПАРЬ, ГЛАС 2:

Хор: Егда Иосиф, Дево, печалию уязвляшися, / к Вифлеему идя, вопияла еси к нему: / что Мя зря непраздну дряхлуеши и смущаешися, / не ведый всяко еже во Мне страшнаго таинства? / Прочее отложи страх всяк, преславное познавая: / Бог бо низходит на землю милости ради, / во чреве Моём ныне аще и плоть прият. / Егоже, раждаема, узриши, якоже благоизволи, / и, радости исполнився, поклонишися яко Зиждителю твоему, / Егоже Ангели поют непрестанно // и славословят со Отцем и Духом Святым.

Встав перед центральным аналоем, читает возгласно всю стихирю, глас 6:

Чтец: Днесь раждается от Девы рукою всю содержаи тварь, пеленами, якоже змен, повивается, Иже существом неприкосновенен Бог. В яслех возлежит утвердивый Небеса словом в началех, от сосцев млекоу питается, Иже в пустыни манну одождивый людем, волхвы призывает Жених церковный, дары сих приемлет Сын Девы. Покланяемся Рождеству Твоему, Христе; покланяемся Рождеству Твоему, Христе; покланяемся Рождеству Твоему, Христе: покажи нам и Божественная Твоя Богоявления.

Диакон: Великому Господину и Отцу нашему Святейшему Патриарху Московскому и всея Руси Кириллу, Священному Синоду, Преосвященным Митрополитом, Архиепископом и Епископом, и Господину нашему, **(высоко-)**Преосвященнейшему **(имя)**, **(митрополиту или архиепископу)** епископу **(титул)**, настоятелю святого храма сего, и всему освященному собору, богохранимемей стране нашей, властем и воинству ей многа лета!

Хор: Многая лета. **(Трижды)**

Диакон: Всем православным христианом подаждь, Господи тишину и благоденствие и изобилие плодов земных, и многа лета!

Хор: Многая лета **(Трижды)**

Хор: Слава Отцу и Сыну и Святому Духу и ныне и присно и во веки веков. **Аминь.**

СТИХИРА, ГЛАС 6:

Днесь раждается от Девы рукою всю содержаю тварь, / пеленами, якоже зымен, повивается, / Иже существом неприкосновенен Бог. / В яслех возлежит утвердивый Небеса словом в началех, / от сосцев млеко питается, Иже в пустыни манну одождивый людем, / волхвы призывает Жених церковный, / дары сих приемлет Сын Девы. / Покланяемся Рождеству Твоему, Христе; / покланяемся Рождеству Твоему, Христе; / покланяемся Рождеству Твоему, Христе: // покажи нам и Божественная Твоя Богоявления.

Диакон: Вонмем.

Чтец: Прокимен, глас четвертый:

Мати Сион речет: Человек, и Человек родися в нем.

Хор: Мати Сион речет: Человек, и Человек родися в нем.

Чтец: Основания Его на горах святых.

Хор: Мати Сион речет: Человек, и Человек родися в нем.

Чтец: Мати Сион речет: Человек,

Хор: И Человек родися в нем.

Диакон: Премудрость.

Чтец: Пророчества Исаиина чтение.

Диакон: Вонмем.

Чтец: Отроча родися нам, Сын, и дадеся нам, Егоже начальство бысть на раме Его; и нарицается Имя Его: великаго совета Ангел, чуден Советник, Бог Крепок, Властитель, Начальник мира, Отец будущего века, приведет бо мир на начальники, и здравие Его, и велие начальство Его, и мира Его несть предела, на престол Давидов и на царство Его, исправить е и заступити е судьбою и правдою от ныне и до века. Ревность Господа Саваофа сотворит сия.

Диакон: Премудрость.

Чтец: Ко Евреем послания святого апостола Павла чтение:

Диакон: В́ннем.

Чтец: Бра́тие, святя́й и освяща́емии, от Еди́наго вси, ея́же ра́ди вины́ не стыди́тся бра́тию нарица́ти их, глаго́ля: возвещу́ И́мя Твое́ бра́тии Моёй, посреде́ Це́ркве воспою́ Тя. И па́ки: Аз бу́ду наде́ясь Нань. И па́ки: се Аз и де́ти, я́же Ми дал есть Бог. Поне́же у́бо де́ти приобща́шася плóти и кро́ви, и Той приискренне приобща́шася те́хже, да сме́ртию упразднѣт иму́щаго держа́ву сме́рти, си́речь диаво́ла, и изба́вит сих, ели́цы стра́хом сме́рти чрез все жити́е повѣнни бѣша рабо́те. Не от А́нгел у́бо когда́ приѣмлет, но от се́мене Авраа́мова приѣмлет; отню́ду же до́лжен бе по все́му подо́битися бра́тии, да ми́лостив бу́дет и ве́рен первосвяще́нник в тех, я́же к Бо́гу, во е́же очи́стити грехи́ людскѣя. В нёмже бо пострада́, Сам искуше́н быв, мо́жет и искуша́емым помо́щи.

Иерей: Мир ти.

Чтец: И ду́хови тво́ему.

Диакон: Прему́дрость, прости, услы́шим Свята́го Ева́нгелия.

Иерей: Мир всем.

Хор: И ду́хови тво́ему.

Иерей: От Матфе́я Свята́го Ева́нгелия чтѣние.

Хор: Слава, Тебе, Господи, слава Тебе

Диакон: В́ннем.

Иерей: Отше́дшим волхво́м, се А́нгел Госпо́день во сне яви́ся Ио́сифу, глаго́ля: воста́в, поими́ Отроча́ и Ма́терь Егó, и бежи́ во Егѣпет, и бу́ди та́мо, до́ндеже реку́ ти: хо́щет бо Йо́род иска́ти Отроча́те, да погуби́т Е. Он же, воста́в, поѣт Отроча́ и Ма́терь Егó но́щию и оты́де во Егѣпет. И бе та́мо до умѣртвѣя Йо́родова, да сбуде́тся рече́нное от Го́спода проро́ком, глаго́лющим: от Егѣпта воззва́х Сы́на Моего́. Тогда́ Йо́род, ви́дев, я́ко поруга́н бысть от волхво́в, разгне́вася зело́ и, посла́в, избѣи́ вся де́ти, су́щия в Вифле́еме и во всех преде́лах егó, от двою́ лѣту и нижай́ше по вре́мени, е́же изве́стно испы́та от волхво́в. Тогда́ сбѣгше́ся рече́нное Иере́мием проро́ком, глаго́лющим: глас в Ра́ме слы́шан бысть, плачь, и рыда́ние, и вопль мног. Рахи́ль пла́чущися ча́д своих и не хотя́ше утѣшѣтися, я́ко не суть. Уме́ршу же Йо́роду, се А́нгел Госпо́день во сне яви́ся Ио́сифу во Егѣпте, глаго́ля: воста́в, поими́ Отроча́ и Ма́терь Егó и иди́ в зе́млю Изра́илеву: изомро́ша бо и́щущии ду́ши Отроча́те. Он же, воста́в, поѣт Отроча́ и Ма́терь Егó и приѣде в зе́млю Изра́илеву. Слы́шав же, я́ко Архела́й ца́рствует во Иуде́и вме́сто Йо́рода, отца́ своего́, убо́яся та́мо ити́. Весть же приѣ́мъ во сне, оты́де в преде́лы Галиле́йския. И, прише́д, всели́ся во гра́де, нарица́емом Назарѣт. Я́ко да сбуде́тся рече́нное проро́ки, я́ко Назоре́й нарече́тся.

По прочтении Евангелия иерей в предшествии диакона и священосца вносит Евангелие в алтарь, осенив им, согласно обычаю, народ крестообразно с амвона. Диакон затворяет царские врата, завеса же остается открытой до отпуста изобразительных.

Чтец: Не преда́ждь нас до конца́ И́мене Твоего́ ра́ди, и не разори́ завета́ Твоего́, и не отста́ви ми́лости Твоея́ от нас Авраа́ма ра́ди, возлю́бленнаго от Тебе́, и за Исаа́ка, раба́ Твоего́, и Изра́иля, свята́го Твоего́.

Трисвятѡе. Пресвятая Троице... Отче наш...

Иерей: Яко Твое есть Царство и сила и слава Отца и Сына и Святаго Духа, ныне и присно и во веки веков.

Чтец: Аминь.

КОНДАК ПРЕДПРАЗДНСТВА:

Дева днесь Превечное Слово в вертепе грядет родити неизреченно: ликуй, вселенная, услышавши, прослави со Ангелы и пастырьми хотящаго явитися Отроча Младо, Превечнаго Бога.

Господи, помилуй. *(40 раз)*

Иже на всякое время и на всякий час, на Небеси и на земли, покланяемый и славимый, Христэ Боже, Долготерпеливе, Многомилостиве, Многоблагуотробне, Иже праведныя любяй и грешныя милуяй, Иже вся зовый ко спасению обещания ради будущих благ. Сам, Господи, прими и наша в час сей молитвы и исправи живот наш к заповедем Твоим, души наша освяти, телеса очисти, помышления исправи, мысли очисти и избави нас от всякия скорби, зол и болезней, оградй нас святыми Твоими Ангелы, да ополчением их соблюдаеми и наставляеми, достигнем в соединение веры и в разум неприступныя Твоея славы, яко благословен еси во веки веков, аминь.

Господи, помилуй. *(Трижды)*

Слава Отцу, и Сыну, и Святому Духу и ныне, и присно, и во веки веков, аминь.

Честнейшую Херувим и славнейшую без сравнения Серафим, без истления Бога Слова рождшую, сущую Богородицу, Тя величаем.

Именем Господним благослови, отче.

Иерей: Боже, Ущедри ны и благослови ны, просвети лице Твое на ны и помилуй ны.

Чтец: Аминь.

Владыко Господи, Иисусе Христэ, Боже наш, долготерпёвый о наших согрешениях и даже до нынешняго часа приведый нас, в оньже, на Животворящем Древе вися, благоразумному разбойнику иже в рай путесотворил еси вход и смертию смерть разрушил еси: очисти нас, грешных и недостойных раб Твоих, согрешихом бо и беззаконновахом и несмы достойни возвести очеса наша и возрети на высоту Небесную, зане оставихом путь правды Твоея и ходихом в волях сердец наших. Но молим Твою безмерную благодать: пощади нас, Господи, по множеству милости Твоея, и спаси нас Имене Твоего ради святаго, яко исчезоша в суете дние наши, изми нас из руки сопротивнаго, и остави нам грехи наша, и умертви плотское наше мудрование, да ветхаго отложивше человека, в новаго облечёмся и Тебе поживём, нашему

Владыце и Благодетелю. И тако, Твоим последующе повелением, в вечный покой достигнем, идеже есть всех веселящихся жилище. Ты бо еси воистинну истинное веселие и радость любящих Тя, Христэ Боже наш, и Тебе славу возсылаем со Безначальным Твоим Отцем, и Пресвятым, и Благим, и Животворящим Твоим Духом, ныне, и присно, и во веки веков, аминь.

По заключительной молитве 9-го часа начинается чтение изобразительных.

ЧИН ИЗОБРАЗИТЕЛЬНЫХ.

Псалом 102:

Чтец: **Благослови, душе моя, Господа, и вся внутренняя моя Имя святое Его. Благослови, душе моя, Господа и не забывай всех воздаяний Его. Очищающего вся беззакония твоя, исцеляющего вся недуги твоя. Избавляющего от истления живот твой, венчающего тя милостию и щедротами. Исполняющего во благих желание твое, обновится, яко орля, юность твоя. Твориай милостины Господь и судьбу всем обидимым. Сказа пути Своя Моисею, сыновом Израилевым хотения Своя. Щедр и милостив Господь, долготерпелив и многомилостив. Не до конца прогневается, ниже в век враждует. Не по беззаконием нашим сотворил есть нам, ниже по грехом нашим воздал есть нам. Яко по высоте Небесней от земли, утвердил есть Господь милость Свою на боящихся Его. Елико отстоят востоцы от запад, удалил есть от нас беззакония наша. Якоже щедрит отец сыны, ущедри Господь боящихся Его. Яко Той позна создание наше, помяну, яко персть, есмь. Человек, яко трава, дние его, яко цвет сельный, тако оцветет. Яко дух пройде в нем, и не будет, и не познает ктому места своего. Милость же Господня от века и до века на боящихся Его. И правда Его на сынех сынов, хранящих завет Его и помнящих заповеди Его творити я. Господь на Небеси уготова престол Свой, и Царство Его всеми обладает. Благословите Господа, вси Ангели Его, сильнии крепостию, творящии слово Его, услышати глас словес Его. Благословите Господа, вся силы Его, слуги Его, творящии волю Его. Благословите Господа, вся дела Его, на всяком месте Владычества Его; благослови, душе моя, Господа.**

Слава Отцу и Сыну и Святому Духу.

Псалом 145:

Хвали, душе моя, Господа, восхвалю Господа в животе моем. Пою Богу моему, дондеже есмь. Не надейтесь на князи, на сыны человеческия, в нихже несть спасения. Изыдет дух его и возвратится в землю свою, в той день погибнут вся помышления Его. Блажен, емуже Бог Иаковль помощник его, упование его на

Господа Бога своего, сотворшаго Небо и землю, море и вся, яже в них, хранящаго истину в век, творящаго суд обидимым, дающаго пищу алчущим. Господь решит окованныя, Господь умудряет слепцы, Господь возводит низверженныя, Господь любит праведники, Господь хранит пришельцы, сира и вдову примет и путь грешных погубит. Воцарится Господь во век, Бог Твой, Сионе, в род и род.

И ныне и присно и во веки веков. Аминь.

Единородный Сыне и Слове Божий, Безсмертен Сый и изволивый спасения нашего ради воплотиться от Святыя Богородицы и Приснодевы Марии, непреложно вочеловечивыйся, распныйся же, Христэ Бже, смертию смертью поправый, Един Сый Святыя Троицы, прославляемый Отцу и Святому Духу, спаси нас.

Чтец: Во Царствии Твоём помяни нас, Господи, егда приидеши, во Царствии Твоём.
Блажени нищии духом, яко тех есть Царство Небесное.
Блажени плачущии, яко тии утешатся.
Блажени кратции, яко тии наследят землю.
Блажени алчущии и жаждущии правды, яко тии насытятся.
Блажени милостивии, яко тии помиловани будут.
Блажени чистии сердцем, яко тии Бога узрят.
Блажени миротворцы, яко тии сынове Божии нарекутся.
Блажени изгнани правды ради, яко тех есть Царство Небесное.
Блажени есте, егда поносят вам, и изженут, и рекут всяк зол глагол на вы, лжуще Мене ради.

Радуйтесь и веселитесь, яко мзда ваша многа на Небесех.

Слава Отцу и Сыну и Святому Духу и ныне и присно и во веки веков. Аминь.

Помяни нас, Господи, егда приидеши, во Царствии Твоём.

Помяни нас, Владыко, егда приидеши, во Царствии Твоём.

Помяни нас, Святыи, егда приидеши, во Царствии Твоём.

Лик Небесный поет Тя и глаголет: Свят, Свят, Свят Господь Саваоф, исполнь Небо и земля славы Твоея.

Приступите к Немю и просветитесь, и лица ваша не постыдятся.

Лик Небесный поет Тя и глаголет: Свят, Свят, Свят Господь Саваоф, исполнь Небо и земля славы Твоея.

Слава Отцу и Сыну и Святому Духу.

Лик святых Ангел и Архангел со всеми Небесными силами поет Тя и глаголет: Свят, Свят, Свят Господь Саваоф, исполнь Небо и земля славы Твоея.

И ныне и присно и во веки веков. Аминь.

Верую² во единого Бога Отца Вседержителя, Творца небу и земли, видимым же всем и невидимым. И во единого Господа Иисуса Христа, Сына Божия, Единородного, Иже от Отца рожденного прежде всех век. Света от Света, Бога истинна от Бога истинна, рождена, несотворенна, единосущна Отцу, Имже вся быша. Нас ради человек и нашего ради спасения сшедшаго с небес и воплотившагося от Духа Свята и Марии Девы и вочеловечшася. Распятого же за ны при Понтийстем Пилате, и страдавша, и погребенна. И воскресшаго в третий день по Писанием. И возшедшаго на небеса, и сидяща одесную Отца. И паки грядущаго со славою судити живым и мертвым, Егоже Царствию не будет конца. И в Духа Святаго, Господа, Животворящаго, Иже от Отца исходящаго, Иже со Отцем и Сыном спокланяема и славима, глаголавшаго пророки. Во едину Святую, Соборную и Апостольскую Церковь. Исповедую едино крещение во оставление грехов. Чаю воскресения мертвых, и жизни будущего века. **Аминь.**

Ослаби, остави, прости, Боже, прегрешения наша, вольная и невольная, яже в слове и в деле, яже в ведении и не в ведении, яже во дни и в ночи, яже во уме и в помышлении, вся нам прости, яко Благ и Человеколюбец.

Отче наш, Иже еси на небесех! Да святится имя Твое, да придет Царствие Твое, да будет воля Твоя, яко на небеси и на земли. Хлеб наш насущный даждь нам днесь; и остави нам долги наша, яко же и мы оставляем должником нашим; и не введи нас во искушение, но избави нас от лукаваго.

Иерей: Яко Твое есть Царство и сила и слава Отца и Сына и Святаго Духа, ныне и присно и во веки веков.

Чтец: Аминь.

КОНДАК ПРЕДПРАЗДНСТВА, ГЛАС 3:

Дева днесь Превечное Слово/ в вертепе грядет родити неизреченно:/ ликуй, вселенная, услышавши, прослави со Ангелы и пастырьми/ хотящаго явитися Отроча Младо, // Превечнаго Бога.

Чтец: Господи, помилуй. *(40 раз)*

МОЛИТВА:

Чтец: Всесвятая Троице, Единосущная Державо, Нераздельное Царство, всех благих Вина: благоволи же и о мне, грешнем, утверди, вразуми сердце мое и всю мою отыми скверну. Просвети мою мысль, да вину славлю, пою, и поклоняюся, и глаголю: Един Свят, Един Господь, Иисус Христос во славу Бога Отца, аминь.

² Поскольку в этот день Литургия не совершается, на изобразительных читается Символ веры (см.: Минея-Декабрь. Ч. 2. С. 330).

Буди́ Имя́ Господне́е благословено́ от ны́не и до ве́ка. (Трижды)

ПСАЛО́М 33³:

Благословлю́ Го́спода на всякое вре́мя,/ вѣину хвалá Егó во устѣх моѣх./ О Го́споде похва́лится ду́ша мо́я,/ да услы́шат крѣтцыи, и возвеселя́тся./ Возвели́чите Го́спода со мно́ю,/ и вознесѣм И́мя Егó вку́пе./ Взыска́х Го́спода, и услы́ша мя,/ и от всѣх скорбѣ́й моѣх изба́ви мя./ Приступите́ к Немú, и просветите́ся,/ и лица́ ва́ша не посты́дятся./ Сей ни́щий воззва́, и Го́сподь услы́ша и,/ и от всѣх скорбѣ́й егó спасе́ и./ Ополчíteся а́нгел Го́споде́нь о́крест бо́ющихся Егó,/ и изба́вит их./ Вкусите́ и ви́дите, я́ко благ Го́сподь:/ блаже́н муж, и́же упова́ет Нань./ Бо́йтесь Го́спода, всѣ́ святѣи Егó,/ я́ко несть лишѣ́ния бо́ющимся Егó./ Богáтии обнища́ша и взалка́ша:/ взыска́ющии же Го́спода не лишáтся вся́каго бла́га./ Приидите́, ча́да, послу́шайте мене́,/ стра́ху Го́сподню научу́ вас./ Ктѣ́ есть человекъ хотя́й живо́т,/ любя́й дни ви́дети бла́ги?/ Удержи́ языкъ твой от зла,/ и устне́ твоѣ́, е́же не глаго́лати льсти./ Уклони́ся от зла и сотвори́ бла́го./ Взыщи́ ми́ра, и пожені́ и́./ О́чи Го́сподни на пра́ведныя,/ и у́ши Егó в моли́тву их./ Лице́ же Го́сподне на творя́щия зла́я,/ е́же потребі́ти от земли́ па́мьть их./ Воззва́ша пра́веднии, и Го́сподь услы́ша их,/ и от всех скорбѣ́й их изба́ви их./ Близ Го́сподь сокруше́нных се́рдцем,/ и смире́нныя ду́хом спасе́т./ Мно́ги скѣрби пра́ведным,/ и от всех их изба́вит я́ Го́сподь./ Храни́т Го́сподь вся́ ко́сти их,/ ни е́дина от них сокруши́тся./ Смерть грѣ́шников люта́,/ и ненави́дящии пра́веднаго прегрѣ́шат./ Изба́вит Го́сподь ду́шы раб Своѣ́их,/ и не прегрѣ́шат// вси, упова́ющии на Него́.

Диáкон: Премудрость.

Хор: Достойно́ есть, я́ко воистину́,/ блажѣ́ти тя Богороди́цу,/ присноблаже́нную и пренепоро́чную, // и Ма́терь Бо́га на́шего.

Иерей: Пресвята́я Богороди́це, спаси́ нас.

Хор: Честне́йшую Херувѣ́м/ и сла́внейшую без сравне́ния Серафѣ́м,/ без истле́ния Бо́га Сло́ва ро́ждшую, // сущую́ Богороди́цу Тя велича́ем.

Иерей: Сла́ва Тебе́, Христѣ́ Бо́же, Упова́ние на́ше, сла́ва Тебе́.

Хор: Сла́ва, и ны́не. Го́споди, помѣ́луй. (Трижды) **Благослови́.**

³ Поскольку в этот день Литургия не совершается, на изобразительных читается псалом 33-й: «Благословлю Господа на всякое время...» (см.: Минея-Декабрь. Ч. 2. С. 331).

ОТПУСТ:

(НА АМВОНЕ ПРИ ЗАКРЫТЫХ ЦАРСКИХ ВРАТАХ)

Иерей: Христос Истинный Бог наш, молитвами Пречистой Своей Матере и всех святых, помилует и спасет нас, яко Благ и Человеколюбец.

МНОГОЛÉTИЕ:

Хор: Великаго Господина и Отца нашего **Кирилла**,/ Святэйшаго Патрiарха Московскаго и всея Руси,/ и Господина нашего (Высоко-) Преосвященнейшаго (имярек),/ (архи-)епископа (митрополита (титул)),/ богохранимую страну нашу Российскую,/ настоятеля, братию и прихожан святáго храма сего/ и вся православыя христианы,// Господи, сохрани их на многая лета.

Литургии в этот день не положено. Вечерня совершается в свое время (Типикон, 25 декабря, 2-е «зри»)